

Nakon što su izašli iz koncesionog polja i napravili ogromnu štetu na rijeci i okolnom području, lokalno stanovništvo je izvršilo pritisak i **Eastern Mining/Adriatic Metals** je došao u lokalnu zajednicu kojoj nanosi štetu.

Zanimljivo je (ali i nezakonito) da upravo u toj lokalnoj zajednici (Kakanj) nikad nije održana javna rasprava u vezi **Projekta Vareš** kompanije [Adriatic Metals](#), iako baš ta lokalna zajednica trpi štetu na pitkim vodama i kojoj pripada rezervat prirode u kojem je otvoren rudnik Rupice (rudnik cinka, olova i barita) i to na vodozaštitnoj zoni.

Ipak, ni 7 mjeseci kasnije šteta nije sanirana, a zagađenje i devastacija se nastavljaju. Značajno je napomenuti da izlazak iz koncesionog polja znači raskid koncesionog ugovora, shodno Zakonu o koncesijama Federacije BiH. Ipak, ugovor još nije raskinut, a sve dovodi u sumnju na koruptivne radnje.

Enormno zagađenje, prema Zakonu o zaštiti prirode, Zakonu o vodama i Zakonu o rudarstvu, vodi ukidanju svih dozvola za rad kompanije na koncesionim poljima [Vareš](#), a naročito na lokaciji Rupice, ali to još nije učinjeno.

Kompanija i njeni podizvođači, kao i domaće institucije su pod krivičnom istragom zbog sumnje na organizovani kriminal, sumnje na korupciju i sumnje na počinjenje teških krivičnih djela iz oblasti **ekološkog kriminala i ugrožavanja zdravlja stanovništva**.

Izvor: abras media